

KJKP "VODOVOD I KANALIZACIJA" d.o.o. SARAJEVO
v.d.DIREKTOR
Izvod broj: 97/20

Sarajevo, 11.04 2021. godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 97/20 od 23.04.2021. godine, u postupku javne nabavke br. 97/20 „Čelične cijevi i hamburški lukovi“ donosi se :

ODLUKA
o poništenju postupka javne nabavke

Član 1.

Poništava se Odluka o izboru br: 97/20 od 15.02.2021. godine, najpovoljnijeg ponuđača: "Treasure" d.o.o. Zenica u predmetnom postupku br. 97/20 za nabavku roba: „Čelične cijevi i hamburški lukovi“

Član 2.

Poništava se postupak javne nabavke broj 97/20 za nabavku roba: „Čelične cijevi i hamburški lukovi“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

Član 3.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : 97/20 od 05.10.2020. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 100.000,00 KM.

Obavještenje o nabavci broj : 247-1-1-170-3-301/20 poslano je na objavljivanje na Portal javnih nabavki dana 12. 10. 2020 godine, a sažetak obavještenja o nabavci je objavljen u Sl. glasniku BiH broj 65. od 16. 10. 2020 godine, ispravka obavještenja o nabavci broj 247-1-1-170-8-306/20 poslano je na objavljivanje na Portal javnih nabavki dana 19. 10. 2020 godine, a sažetak ispravke obavještenja o nabavci je objavljen u Sl. glasniku BiH broj 67. od 23. 10. 2020 godine, ispravka obavještenja o nabavci broj 247-1-1-170-8-315/20 poslano je na

objavljivanje na Portal javnih nabavki dana 23. 10. 2020 godine, a sažetak ispravke obavještenja o nabavci je objavljen u Sl. glasniku BiH broj 69. od 30. 10. 2020 godine.

Komisija za javnu nabavku imenovana je Rješenjem br. 50/20 od 25. 6. 2020 godine, i dopunskim Rješenjem članova komisije br. 97/20-1 od 05.10.2020 godine

Nakon izvršenog otvaranja ponuda Komisija je dana: 18. 11. 2020 godine pristupila pregledu i ocjeni pristiglih ponuda u formalnom smislu: oblika ponude (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljene ponude ponuđača „Ferhem“ d.o.o. Lukavac; „Frankstahl“ d.o.o. Vitez; „Treasure“ d.o.o. Zenica i „Euro Metali“ d.o.o. Doboj Jug ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđači			
		„Ferhem“ d.o.o. Lukavac	„Frankstahl“ d.o.o. Vitez	„Treasure“ d.o.o. Zenica	„Euro Metali“ d.o.o. Doboj Jug
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA	DA	DA	DA
2.	Tačka: 14.1. TD: Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 4.	DA	DA	DA	DA
2.1.	Tačka: 14.1. TD: Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA	DA	DA	DA
3.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA	DA	DA

Ponuđači „Ferhem“ d.o.o. Lukavac; „Frankstahl“ d.o.o. Vitez; „Treasure“ d.o.o. Zenica i „Euro Metali“ d.o.o. Doboj Jug u dostavljenim Izjavama iz čl. 45. stav (1) tačaka od a) do d) Zakona o javnim nabavkama i člana 47. stav (1) tačka a) i (4) Zakona o javnim nabavkama nisu naveli broj Službenog glasnika BiH.

Komisija je stava da nepopunjavanje broja Službenog glasnika BiH u navedenim izjavama u konkretnoj nabavci ne predstavlja nedostatak zbog kojeg bi ponude trebale biti odbačene jer se iz sadržaja izjava nesporno utvrđuje da se iste odnose na predmetni postupak nabavke, te su iste uredno potpisane i ovjerene, a također je upisan tačan naziv predmeta nabavke, naziv ugovornog organa kao i broj obavještenja o javnoj nabavci.

Komisija konstatuje da ponude ponuđača „Ferhem“ d.o.o. Lukavac; „Frankstahl“ d.o.o. Vitez; „Treasure“ d.o.o. Zenica i „Euro Metali“ d.o.o. Doboj Jug ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtijevana dokumentacija/aneksi-prilozi	Ponuđači			
		„Ferhem“ d.o.o. Lukavac	„Frankstahl“ d.o.o. Vitez	„Treasure“ d.o.o. Zenica	„Euro Metali“ d.o.o. Doboj Jug
1.	Tačka: 15. TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA	DA	DA
2.	Tačka: 16. TD pod 1: Obrazac za ponudu – Aneks II; Prilog 1.	DA	DA	DA	DA
2.1	Tačka: 16. TD pod 1.1.: Popis dokumenata uz ponudu koji čini sadržaj ponude – Aneks II; Prilog 1.	DA	DA	DA	DA
3.	Tačka: 20 TD: Obrazac za cijenu ponude – Aneks III; Prilog 2.	DA	Nije u skladu sa zahtjevima iz TD	DA	DA
4.	Tačka 31 i 36 TD: Nacrt okvirnog sporazuma – Prilog 7	DA	DA	DA	DA
5.	Tačka: 31. i 37. TD: Nacrt ugovora o javnoj nabavci – Prilog 8.	DA	DA	DA	DA
6.	Tačka: 42. TD: Povjerljive informacije – Prilog 6.	DA	DA	DA	DA

Ponuđači „Ferhem“ d.o.o. Lukavac; „Frankstahl“ d.o.o. Vitez; „Treasure“ d.o.o. Zenica i „Euro Metali“ d.o.o. Doboj Jug u dostavljenoj Izjavi iz čl. 52. ZJN nisu upisali broj Sl. glasnika BiH.

Prema mišljenju Komisije nepopunjavanje broja Sl. glasnika BiH u izjavi iz čl. 52. ZJN ne predstavlja nedostatak zbog kojeg bi ponude trebale biti odbačene jer imajući u vidu da se iz sadržaja izjave nesporno utvrđuje da se iste odnose na predmetni postupak nabavke, te da su iste uredno potpisane i ovjerene od strane ovlaštenog lica, a također je upisan tačan naziv predmeta nabavke, naziv ugovornog organa kao i broj obavještenja o javnoj nabavci.

Pregledom ponude ponuđača „Frankstahl“ d.o.o. Vitez konstatovano je da je isti u dostavljenom Obrascu za cijenu ponude – Aneks III; Prilog 2, izvršio ispravke koje nisu u skladu sa zahtjevima iz tenderske dokumentacije tačka 17.1.5 „Ispravke ponude“.

Navedene ispravke su urađene na slijedećim stranicama ponude i to:

- na strani br. 9 ponude, za stavku pod rednim brojem 1.7 u koloni 6 „Kataloška oznaka“, ponuđač je uradio ispravku na način da je raniji broj prepravljen u novi broj.
- na strani br. 11 ponude, za stavku pod rednim brojem 1.17 u koloni 9 „Jedinična cijena u KM“, ponuđač je uradio ispravku na način da je izvršio podebljavanje ranije upisanog broja.

- na strani br. 14 ponude, za stavku pod rednim brojem 2.12 u koloni 10 „Ukupna vrijednost u KM bez PDV-a“, ponuđač je uradio ispravku na način da je raniji broj prepravljen u novi broj.

Komisija konstatuje da izvršena ispravka nije urađena u skladu sa postavljenim zahtjevima iz tačke 17.1.5 tenderske dokumentacije „Ispravke u ponudi“, koja jasno i precizno definiše način vršenja ispravki i to: Ukoliko ponuđači vrše **ispravke u ponudi, iste moraju biti urađene na način da su vidljive (ispravljani podaci moraju biti vidljivi), potvrđene potpisom ponuđača i sa datumom izvršene ispravke**, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).

Napomena: Ukoliko ponuđač prilikom pripremanja ponude napravi ispravku, istu ispravlja na način da navedene podatke prekriži, ali da isti ostanu vidljivi, zatim navodi nove podatke i iste potvrđuje potpisom i datumom izvršene ispravke.

Obzirom na gore navedeno, komisija konstatuje da ponuda ponuđača „Frankstahl“ d.o.o. Vitez ne ispunjava zahtjeve ugovornog organa tražene tenderskom dokumentacijom, te se ponuda ovog ponuđača u skladu sa odredbama članom 68. stav (4) tačka i) Zakona o javnim nabavkama odbacuje kao neprihvatljiva i ista nije predmet daljeg razmatranja.

Komisija konstatuje da su ponuđači „Ferhem“ d.o.o. Lukavac; „Treasure“ d.o.o. Zenica i „Euro Metali“ d.o.o. Doboj Jug dostavili ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da navedeni ponuđači ispunjavaju sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Također je konstatovano da su ponude ponuđača „Ferhem“ d.o.o. Lukavac i „Treasure“ d.o.o. Zenica potpisane od strane podnosioca ponuda i ovjerene pečatom ponuđača, te imaju broj i datum dok je ponuda ponuđača „Euro Metali“ d.o.o. Doboj Jug potpisana od strane direktora Subašić Jasmina, po ovlaštenju vlasnika/osnivača Ahmetlić Izudina od dana 11. 11. 2020 godine.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacije ponuda ponuđača „Ferhem“ d.o.o. Lukavac; „Treasure“ d.o.o. Zenica i „Euro Metali“ d.o.o. Doboj Jug konstatovano je da u navedenim ponudama nema grešaka računске prirode.

Konstatovano je da ponuđači „Ferhem“ d.o.o. Lukavac; „Treasure“ d.o.o. Zenica i „Euro Metali“ d.o.o. Doboj Jug nisu dostavili Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b)

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Od strane Komisije za javne nabavke konstatovano je da su prihvatljive ponude slijedećih ponuđača:

R Br.	Ponuđač	Početna cijena ponude u KM bez PDV-a
1.	„Treasure“ d.o.o. Zenica	64.550,00
2.	„Euro Metali“ d.o.o. Doboju Jug	74.292,40
3.	„Ferhem“ d.o.o. Lukavac	87.941,96

E-aukcija je u sistemu e-nabavke zakazana na dan 07. 01. 2021 godine u 12:00:00 sati. Iz izvještaja o toku i završetku e-aukcije, koji je preuzet iz sistema e-nabavke, je vidljivo da je e-aukcija trajala od 12:00:00 sati do 12:15:00 sati.

Izvještaj o toku i završetku e-aukcije sadrži i konačnu rang listu ponuđača kako slijedi:

R Br.	Ponuđač	Konačna cijena ponude u KM bez PDV-a
1.	„Treasure“ d.o.o. Zenica	64.550,00
2.	„Euro Metali“ d.o.o. Doboju Jug	74.292,40
3.	„Ferhem“ d.o.o. Lukavac	87.941,96

Za najpovoljniju ponudu ocjenjena je ponuda ponuđača „Treasure“ d.o.o. Zenica. Vrijednost ponude ponuđača „Treasure“ d.o.o. Zenica iznosi **64.550,00 KM bez PDV-a**.

Komisija jednoglasno daje prijedlog Ugovornom organu da za nabavku roba: „**Čelične cijevi i hamburški lukovi**“ – tender broj 97/20 donese Odluku o dodjeli ugovora ponuđaču „**Treasure**“ d.o.o. Zenica, broj ponude: TD-79-1711/20e od 12. 11. 2020 god. kao prvoplasiranom na rang listi, čija vrijednost ponude iznosi: **64.550,00 KM bez PDV-a**.

Odluka o izboru najpovoljnijeg ponuđača i Obavještenje o rezultatu postupka javne nabavke je putem e-maila dostavljena svim ponuđačima u postupku dana 15.02.2021. godine.

Krajnji rok za dostavu kvalifikacione dokumentacije je bio 7 dana od dana dostavljanja obavještenja o rezultatu postupka javne nabavke.

Komisija za javne nabavke je konstatovala da je ponuđač “Treasure“ d.o.o. Zenica dana 17.02.2021. godine u zahtjevanom roku dostavio sljedeću kvalifikacionu dokumentaciju i to:

- Ovjereni kopiji Uvjerenja Općinski sud u Zenici broj 043-0-Su-R I-20-002779 od 26. 11. 2020 godine, u smislu dokazivanja činjenica iz čl.45 tačka a) ZJN
- Ovjereni kopiji Uvjerenja Sud BIH broj: Su: 03-8945/20 od 26. 11. 2020. godine u smislu dokazivanja činjenica iz čl.45 tačka a) ZJN
- Ovjereni kopiji Uvjerenja Općinski sud u Zenici broj 043-0-Su-R I-20-002780 od 26. 11. 2020 . godine, u smislu dokazivanja činjenica iz čl.45 tačka b) ZJN
- Ovjereni kopiji Uvjerenja Kantonalnog poreznog ureda Zenica, Porezna ispostava Zenica br. 13-4/1-12-5-4262/20 B.E. od dana 17. 11. 2020 god. godine
- Ovjereni kopiji Uvjerenja Uprave za indirektno oporezivanje BIH Regionalni centar Sarajevo br: 02/6/II-16-11-20-9102-1/20 od 06. 11. 2020 god. godine da je ponuđač uredno izmirio dospelje obaveze u vezi s plaćanjem direktnih i indirektnih poreza.

Pregledom dostavljene kvalifikacione dokumentacije, Komisija za javne nabavke je konstatovala da je ponuđač “**Treasure**“ d.o.o. Zenica u smislu dokazivanja činjenica iz člana 45. tačka a) ZJN i člana 45 .tačka b) ZJN dostavio kao dokaze Uvjerenja Općinskog Suda u

Zenici sa mlađim datumom (26.11.2020. god) i Uvjerenje Suda BiH sa mlađim datumom (26.11.2020.god) u odnosu na datum dostavljanja ponude (ponuda dostavljena dana 17.11.2020. godine). U pomenutim uvjerenjima nisu navedene činjenice o stanju ponuđača na dan dostavljanja ponude, a što je traženo tačkom 13. tenderske dokumentacije. u kojoj je jasno definisano slijedeće:

U skladu sa tačkom 13. tenderske dokumentacije dokazi koje dostavlja izabrani ponuđač ne mogu biti stariji od tri mjeseca, računajući od dana predaje ponude /unazad tri mjeseca/ s tim da navedeni dokumenti po datumu izdavanja, mogu biti izdati i nakon dostavljanja ponude ili zahtjeva za učestvovanje, ali pod uslovom da su u dostavljenim dokumentima navedene činjenice o stanju ponuđača na dan dostavljanja ponude ili zahtjeva za učestvovanje (bitno je da ponuđač dostavljenim dokumentima izdatim od nadležnog organa dokaže da je istinito ono što je naveo u svojoj izjavi na dan dostavljanja ponude ili zahtjeva za učestvovanje i da ne postoji niti jedan razlog da njegova ponuda ili zahtjev za učestvovanje budu odbačeni.

Shodno navedenom konstatovano je da ponuđač "Treasure" d.o.o. Zenica nije dostavio kvalifikacionu dokumentaciju u skladu sa zahtjevima iz tenderske dokumentacije te da se sa istim ne može pristupiti zaključivanju ugovora.

Ponuda ponuđača "Treasure" d.o.o. Zenica se odbacuje kao neprihvatljiva, a sve u skladu sa članom 68. stav (4), tačka i) ZJN.

Obzirom da je u predmetnom postupku došlo do prestanka važnosti opcije ponuda ponuđača, u skladu sa članom 60. stav 2. ZJN dana 13.04.2021. godine upućen je zahtjev za produženje istih kako bi se postupak mogao nastaviti. U predviđenom roku do 19.04.2021. godine ponuđači nisu potvrdili zahtjev za produženje opcije ponude te se ponude ponuđača u skladu odredbama članom 68. stav (4) tačka i) Zakona o javnim nabavkama odbacuju kao neprihvatljive.

Polazeći od gore navedene konstatacije i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav 2. tačka d) ZJN za poništenje postupka javne nabavke, te je dala preporuku Ugovornom organu – ovlaštenom licu ugovornog organa da za predmetnu nabavku roba: „Čelične cijevi i hamburški lukovi“ - tender broj 97/20 donese odluku o poništenju postupka javne nabavke.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

- a/a



v.d.Direktor

Aida Pendek, dipl.ing.građ.